

Inatsisartuni partiit tamalaat akornanni ukiuni tulliuuttuni inuussutissarsiornermi periusissat pillugit isumaqatigiissusiortoqarsinnaanera pillugu apeqquteqaat tunngavigalugu oqallinnissamut siunnersuut.

(Inatsisartunut ilaasortaq Sara Olsvig, Inuit Ataqatigiit)

Akissutitut allakkiaq

(Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalakkersuisoq)

Oqallinneq manna Naalakkersuisut ilassilluarpaat, aammalu piffissamut ungasissumut inuussutissarsiornermut periusissianut tunngatillugu sapinngisamik siamasinnerpaamik isumaqatigiissutissat pisariaqartinnerinik isumaqataalluinnarlutik.

Naalakkersuisut aamma aalaakkaasunik siulittuutigereersinnaasanillu sinaakktissatut piunasaqaatit aqutigalugit namminersorfiusumi siuarsarnissap pilersinnissaanik pisariaqartitsisoqarnera isumaqatigaat.

Ukiunut tallimanut atuuffissanik periusissianik suliaqartarneq ileqqusarpoq. Taamaaliorpugut pilersitatut aallartisakkat atuutsissinnaalersillugit piffissalersuummik naammattumik sivisussusilimmik qulakkeerinninniarluta, tamatumalu pinerani inuussutissarsiorfiusoq piffissamut ungasissumut pilersaarusiortissinnaalerlugu.

Ukiup naanerani takornariartitsinermit periusissiaq atuuttoq killeqarpoq. Ukiormanna takornariartitsinermit periusissiamik nutaamik Naalakkersuisut naammassinnissapput. Naammassinninnissaq sioqqullugu periusissiami iliuuseqarfissanik oqaluuserinninnissamut soqutigisaqatigiit arlalippassuit qaaqqussavagut, taamaalilluta sapinngisamik siamasinnerpaamik tapersersuisoqarnissaq qulakkeersinnaaniarlugu.

Uuliasiornermut aatsitassarsiornermullu periusissiaq ukiunut tallimanut atuuttussaq nutaaq, periusissiaqarfiup nalaani erseqqissunik anguniagaqarfearlunilu iliuuseqarfiusussaq 2014-imi Naalakkersuisut akuersissutigaat. Periusissiamut tassunga siamasinnerusumik isumaqatigiittoqarsimanissap piunaneqarnerusimanissaa Naalakkersuisut isumaqatigaat, tamaattoqarsinnaasimangilarli. Taamaattorli sammisaq tamanna iserfigissanngilara, Aatsitassaqarnermut periusissiaq oqallinnermi imm. 136-imut atatillugu immikkut oqaluuserineqartussaammat.

2015-imi upernaami suliffeqarnermik nukittorsaasussanik suliniutinik piviusunik 16-inik ilaqtartumik ukiuni tallimani atuuttussamik suliffeqartitsinermit periusissiamik Naalakkersuisut akuersipput. Suliffeqartitsinermit periusissiaq ilaatigut 2014-imi Inatsisartunit saqqummiunneqartunit tunngaveqarpoq, soorlulusooq nunami namminermit

suliffeqarfimmut siunnersuisooqatigiinni, suliffeqarfimmi illua'tungerisanit, kommunini allanillu ilaasortaaffiusumi oqaluuserineqartuarsimalluni.

Aningaasaqarnermut Naalakkersuisup ukiamut Siuarsarnermut Attassinissamullu pilersaarut saqqummiutissavaa – piffissamullu ungasissumut pilersaarummut tassunga siamasissumik tapersersuineramik pilersitsisoqarsinnaassasoq neriuutigaarput. Suliassa qarfiusuni periusissiat ataasiakkaat, inuussutissarsiorfinnut ataasiakkaanut naleqqatut issasut pilersaarutip ilaatigut sammisarissavai.

Tamakku saniatigut Attaveqarnermut Naalakkersuisup aammattaaq ukiamut umiarsualivinnut mittarfinnullu suliassa qarfinnut pilersaarutit saqqummiutissavai, attaveqarfinni aningaasaliinernut pingaernerutitatut pilersaarut oqaluuserineqassalluni. Attaveqarfinni ineriartornerpiaq inuussutissarsiorfimmu aamma inuiaqatigiinnut tamanut ineriartornermi pingaarutilittut inissisimaffeqarpoq. Attaveqarnermullu pilersaaruterpiaq Naalakkersuisuni suliassa qarfiit assigiinngitsut akornanni siamasissumik ataqatigiissaarinikkut pinngortinneqarpoq, piffissamut ungasissumut takornariartitsinermut inuussutissarsiorfinnilu ineriartornermut aamma tapersuisuinissaa qulakkeerniarlugu.

Inuussutissarsiorfiup ineriartortinnissaanut piffissamut ungasissumut pilersaarusiorderit aamma sinaakktissatut piumasaqaatit aalaakkaasut tunngaviupput. Taamaalillutik periusissiat maannakktut atuuttut takkuttussallu ineriartornerup aqutissiuunnissaanut sakkussaapput pingaarutilit, periusissianilu akuersissutigeriikkani anguniakkat atuutsilernissaat Naalakkersuisut assupilussuaq pingaarutilittut isigaat, tassalu sinaakktissat aalaakkaasut isumannaarniarlugit. Namminersorlutik Oqartussat ineriartornerup ingerlanissaanut kissaatigisaannut periusissiat tassaapput inuussutissarsiorfiusumut pingaarutilittut naleqqarisassat.

Naggasiutigalugu oqallinnissamut apeqqutilliisummut tassunga siunnersuut qujassutigeqqissavara – oqallilluarnissassinnillu kissaappassi.